



Publicaziuns officialas dils 09-10-2020

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 117/2020

Vischinadi Surrein, 7173 Surrein; montar bandiera cun asta sin parcella nr. 779 a Surrein-Plazzas.

Nr. 120/2020

Albrecht-Bundi Rosa, 7173 Surrein; lavurs da manteniment vid balcon dil baghetg nr. 319A sin parcella nr. 6494 a Surrein-Giachentrina.

Sumvitg, 09-10-2020

Cumissiu da baghegiar

Uffeci civil Surselva

Mortori

Tavelli-Suk Marija, naschida ils 13-03-1939, morta ils 22-09-2020, stada sesenta a Rabius.

Naschientscha

Decurtins Laura, naschida ils 04-10-2020 a Glion, affon da Hubert e Ramona Decurtins, sesents a Sumvitg.

Sumvitg, 09-10-2020

Controlla da habitonts

Curdem da gronda dimensiun

La vischnaunca organisescha ina rimnada da rufid bloccont sco suonda:

Venderdis, ils 16 d'october 2020 dalle 8.00–18.00 Ei vegn rimnau il rufid per l'entira vischnaunca sin la piazza Igniu (spel baghetg economic).

Ils curdems ein da deponer els containers ni navettas tschentai sil plaz. Per tenercasa vegn priu encunter max. 2 m³ rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regionala a Rueun. Rumians jamnils, qvd. Rumians ch'ins dismetta el sac verd e rufid bloccont pign (dimensiuns max. 100 cm liung / 60 cm lad / 60 cm ault / peisa max. 30 kg) vegnan buca pri encunter. Tals rumians ein da plazzar als plazz da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds mo cun tratg giu ieli e benzin,
- ferramenta, ferradira da tuttas sorts (meisas da fier, uaffens da fier, velos, e.a.v.),
- tut las maschinas electronicas (computers, frestgeras, maschinas da furar, pegnas d'electric cun e senza ieli eav.),
- mobiliar movibel (letg, scaffa, suppia, madrazza, teppi buca culau giu, eav.),
- requisits per il temps liber e sport (skis, indrez da trenament, velos eav.) ch'ei pli gronds che 100 cm liung / 60 cm lad / 60 cm ault ni pli grevs che 30 kg,
- per pneus senza gavegl vegn incassau ina taxa da frs. 5.–, cun gavegl frs. 10.–,

- per pneus da maschinas agricolas pintgas vegn incassau ina taxa da frs. 20.– e per pneus da tracturs frs. 50.–,
- calzera da skis san vegnir dai giu en favur dalla Argo Tavau per frs. 5.–.

Buc acceptai vegnan

- tuttas maschinas agricolas,
- lenna da brisch, lenna veglia, lenna da baghetg (tablegiaus, plantschius, lattas, quaders, panos, e.a.v.),
- sacs da pupi e da plastic,
- materials da pachetar (palets, stiropor, plastic, e.a.v.),
- requisits per il temps liber e sport ch'ein pli pigns che 100 cm liung / 60 cm lad / 60 cm ault e pli levs che 30 kg (bob, scarsola, calzera da rodas, aissa-rulletta e.a.v.),
- blahas da ballas da silo (verdada ed alvas),
- curdems da baghetg (linoleums, izolaziuns, plastics, folias da tetg e da preits, e.a.v.) e curdems da fatschentas,
- curdem verd da curtin e caglias, tals curdems san vegnir transportai sin la deponia verda ad Igniu
- cartun e pupi duei vegnir surdau alla rimnada entras las scolas resp. las uniuns.

Ils suandonts rumians vegnan rimnai cun ils rumians jamnills e basegnan las marcas sco suonda:

- sacs tochen 50 kg; ina marca da frs. 2.50,
- rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50,
- rumians pigns tochen 100 cm liung / 60 cm lad / 60 cm ault entochen ina peisa da 30 kg; treis marcas da frs. 2.50.

Nus appellein alla responsabladad da vischinas e vischins e supplichein da setener vid quellas directivas en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Sumvitg, 09-10-2020

Departament d'ambient

Midada dallas uras da lavur

Via Val - Lavurs el tunnel dils Barschhaus

Sco gia communicau el feagl ufficial dils 02-10-2020 vegn l'jamna dils 12 entochen ils 16 d'october 2020 l'illuminaziun dil tunnel dils Barschhaus remplazzada. Ord quei motiv resta il tunnel serraus per tut il traffic naven dils **12 entochen ils 16 d'october 2020 naven da mintgamai las 13.00 – 17.30 uras e naven dallas 18.00 – 22.00 uras. Il rest dil temps ei il tunnel aviarts.**

Nus supplichein per enconuschientscha e capientscha.

Sumvitg, 09-10-2020

Departament traffic

Rumida da neiv 2020/21

La vischnaunca exequescha era uonn puspei sin incarica la rumida da neiv per privats. L'indemnisaziun per quella lavur corrispunda allas cundiziuns che l'industria privata pretenda. Plinavon sto quella dismessa da neiv star anavos en prioritad alla rumida dils implonts publics d'avertura. Sche pusseivel duei l'incarica vegnir surdada alla vischnaunca mo leu nua che quella procura era la dismessa dallas vias cunfinontas. Vischinas e vischins che vulan schar exequir la vischnaunca la rumida da neiv da lur vias e parcadis privats duront gl'unviern proxim ein supplicai d'annunziar quei a scret ni per telefon entochen ils 31 d'october 2020 al cau dil menaschi stradal (tel. 079 638 18 19).

Sumvitg, 09-10-2020

Departament traffic

Preparaziun sin temps d'unviern

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il dui risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedida. Quellas lavurs da preparaziun sil temps d'unviern ston vegnir exequidas entochen la fin d'october 2020. En cass d'omissiun refusescha la vischnaunca suenter la sesiun d'unviern scadins donns occurri ord la rumida da neiv.

Sumvitg, 09-10-2020

Departament traffic

Uniun samaritana Sumvitg-Trun

Nies proxim exercezi tecnic ha liug **mardis, ils 13 d'october, allas 20.00** a Sumvitg. Nossa scolasta Bettina tracta il tema «accidents da sport e dents». Nus selegrein da seveser cun biaras e biars da vus. Era interessent/-as d'ordeifer ein cordialmein beinvegni/das! *La suprastonza cun Bettina*